

四庫禁燬書叢刊編纂委員會

北京出版社

四庫禁燬書叢刊

史部第四五冊目次

吾學編六十九卷(一)

〔明〕鄭曉撰
明萬曆二十七年鄭心材刻本

.....

吾學編六十九卷（一）

〔明〕鄭曉撰

明萬曆二十七年鄭心材

刻本

上海圖書館藏

吾學編序

自昔人第立言與立德立功爲三不朽於是誦法孔子者知所以修詞矣然言不足以明性道紀典故元

金陵劉登刻

元窮年取楚騷漢文

唐律而模擬之求工於一字一句以炫人而無補於世用少知懲其弊者又竊佛經上乘之旨以附濂洛

主靜工夫而千言萬

語終虧實踐將孔子所以刪述六經爲萬世標的者固如是耶予學術寡陋濫通朝籍伏念生逢

聖世當究心

昭代典故前修得失庶取則不遠聞太子少保澹泉鄭端簡公崛起鹽官以博洽伏宇內心切識之及徼天幸

與公同在銓司每政暇彼此輒以所撰述相質見公所編吾學總目叙自戊申年

太祖混一區夏握符御極改元洪武歷永樂洪

熙宣德正統景泰天順成化弘治正德凡關係大政者倣朱子綱目以歲係月各爲一記建文四年雖革除殘缺亦搜集遺文

吾學編

序

四

拆爲遜國記至於同姓諸王分封列藩及開國靖難禦胡勦寇并威畹倭幸列爵三等者各爲表傳別功罪爲萬世勸懲又表內閣以崇政本表太宰以重銓衡紀文武名臣以垂景範紀遜國諸臣以獎忠義述天文地理以嚴修省辨經略述三禮百官

以秩祀典別職掌考
四夷北虜以通正朔
飭邊備俱原本始核
事情於予心若相契
者時全書未成期日
後彼此致訂以竟初
志及公任大司寇南
歸予猶久掌邦土無
緣質公於鹽官故里
迺公忽先予逝囑子
履淳履準履洵以成
書付梓求序於予予

嘗閱南史稱顧野王
撰國史記傳及輿地
志而江南典章文物
賴之以存公潛心世
故殫平生精力使
昭代二百年行事實跡萃
於一旦足以龜鏡後
來不徒備江南一方
文獻而已矧裋身澡
行不愧屋漏而保釐
江淮掃定倭寇與夫
天曹之秉公京營之

祛弊刑部之敬慎俱
焯然爲朝紳所景仰
較之襲縟辭侈清談
於理道無補者何啻
徑庭也予慶公素履
定蓋棺已列不朽之

吾學編

序

七

林因序於編端不知
踈陋所撰亦能補公
於萬一矣乎

隆慶元年季春吉旦
賜進士第光祿大夫往
國少傅兼太子太傅

工部尚書前都察院
右都御史豐城雷禮

序

吾學編

序

八

序略

古之作者必雄傑不羈之才胸中本有全書而弗得試乃著述以自見丘明司馬皆才兼文武人豪也彼其所蘊如日月有明雲寧終掩江河有性土可終湮不宣於此則呈於彼不霖雨乎當時卽山斗乎來世天之所賦非偶然豈但氓焉耳已先君幼學卽志四方無書不讀所讀必可裨用少壯入仕益諳我典常質彼文憲耳目見聞咸類紀之博古則約其精徵今則核其備人文淵數國是著麗埒班楊思凌屈賈叩之驚其多聞何便便有修也稿未竟嘉靖丙辰太宰古冲李公爲趙許奏論死翁震懼曰古冲以言殺身况成書乎悉畀火孤固請秘之弗得遂竊小櫝藏之述古獨餘古言蓋千百之一今書存失相等逮歲壬戌孤請告歸始以殘帙白翁成志喟然歎曰嗟夫此稿尚有存乎予行藏勲業盡於此而所存僅此乎遂略以今書倫次補輯弟準天資絕人先君口相証授準多代筆又三年始付梓梓方半翁遽長逝嗚呼痛何如哉胡天不使此書盡試諸用又不使翁一覽全刻而徒留此空言欲以何明也翁蘊全才而不大任亦

云爲兆震厲睽孤憂國衛身艱險歷備勁節雖完精力竭矣玄珠寂寞白壁幽淪光在山川天真寧遏是廼旁觀宇內違駕初服惜繁華之易零念弘圖於不朽盤桓憤激委約飛文竊職掌於史官謹權衡於獨斷危詞隱義遠略壯猷觀是書可知是人契是心殆有周駕八荒彌綸千古之致豈徒一世士區區文藝名也噫邇此生民以來凡彼玉質金相秀遠道亞生知時不我與湮滅無聞安可勝悼夫太上以德鮮矣流形大塊而一無可俾非夫也可傳在我而其存與熄則命也黃梁得喪青史是非聖人復起賢愚有定豈其幸與不幸果可誰欺與故曰其位可卑其身可死其言立遂與天地相終始始貧富貴賤壽夭同之然蔡柳奇葩名常萎實機雲高譽知不逮言亦或文以人傳人由文顯兼茲無愧允爾才難若先君所不能全殆惟壽耳使無是書果將同凋草木矣乎抑嘗聞作易之有憂患王通以爲畏天憫人思及時而動深知易矣動而不時則冒耻於行露比而入於蹇時而弗動則泥類於匏瓜節而至於屯潛躍有具用舍惟時庶亡悔吝而周公孔子之教此其最要先君

率爾成書豈希贊易之心乎終焉憂患未釋而腹
書以沒丘園信乎命實爲之雖聖哲無如之何宜
昔人之淙翰慷慨屢伸而不能已者也去我英雄
遺編故屋承顏寤寐猶恍傳心音容杳冥誰能不
隱雖達伯樂會有子期撫卷徘徊風雲蕭瑟向之
七略成於歎先君精忠遂學無愧於向惜子非劉
歆殘缺莫補條具如左參詳潤色尚俟後之君子
云

維皇開泰新制正經親賢和衆萬國以寧聖子神
孫與治同興昭哉祖武萬世九繩記大政 第一

澤左肇基非國上游龍飛北固鶴返丹丘漢文天
授少帝何尤慨彼黍離爰諱乾侯記遜國 第二

堯稱既睦周作方來富之不費貴之無猜勢以時
異恩以禮裁均奠磐石藩翰九垓傳同姓諸王

第三

永清九有實賴虎臣報功崇德分券圖麟德薄位
尊或覆厥身韓彭絳灌全毀由人傳異姓諸侯

第四

三公論道致主調元秩有等殺職共斯旨爰立無
方考慎台垣一人進退治忽攸源表閣臣 第五

巍乎冢宰百官之表責在進賢決彼羣小告自乃
邑休休皎皎吏治澄清兆民斯擾表典銓 第六
無競維人萬方之望克展其猷知恤在上猗我多
賢爲周孚倡爰條臯董以俟魏相記名臣 第七
成仁取義人臣之信寧爲桀犬不事堯舜心協三
仁黨凌八俊立懦廉頑名教丕振記遜國臣 第
八

星家考驗代有程章玄機杳默固矣梓萇無災可

懼有災亦昌誠身省躬實應之常述天文 第九

天子無外莫不尊親廣土非寶寶在裕民聚人以

財守財以人得彼猛士慎固咸賓述地理 第十

舜嚴降格說戒弗欽神無私享明德惟馨敦此仁

孝率義推心必躬必敬昭格咸臨述三禮 第十

官代天工惟民之極脣制曲防綱維以則擇人乃

昌擇官斯忒敬事君子慎思厥職述百官 第十

二

要荒服夏蕃鎮承周炎風朔雪軌暨受球摠攬乾

綱余宋長猷王者不治亦曰懷柔考四夷 第十

三

史 45-7

北門勁寇却幾接壤人由我益地由我廣茲備將來盡懲既往鎖鑰得司不兵而攘考北虜 第十四

實錄果可傳信乎前賢論喻詳矣野史散雜無統又未足盡馮也故必凌雲御日之才博洽淹貫分明經緯恍若身處當時目見往事非若班氏以後轉相蹈襲乃能會為全史昭不朽之烈垂不刊之典允君嘗志於此惜乎始懲李禍終促遐齡偉作弗全英豪留恨今梓惟大政記放一朱子綱目及本紀然綱且未敢備況目乎非是

吾學編 序略 五 三百五十八

無以首卷通達者寓意會遜國特述故事以續編年王侯放十表翁序詳之閣臣典銓感時作也為臣不易況心腹股肱哉記名臣放列傳也論旨深遠遷史下無及者天下何時無才能盡其用有幾然亦自不可泯觀遜國諸臣尤見盛世人性之善超越千古三禮天官皆諷諫也禮書所載禮之為用大矣寧獨祀事舉時要耳天官亦然是以全樂公之疏也述百官以明職掌今有官君子皆能不曠此乎庶政和而萬國寧矣地理英官北虜先君初官職方最所究心非

昔志輿地比也歌六月詩讀李翱文始知公忠愛無窮爽然有封狼居胥意是凡十有四篇其事皆有司存翁非立本朝贊國均而陳此經世之書如出位之誚何雖然以此罪翁亦或以此知翁百世之下應有心契於形迹之外而諒此勤勤之衷者固非翁及諸孤所敢豫計也此即所存今書之半翁各自為小序其女后樂律儀制兵略茶馬鹽糧運法水利藝文隱逸酷佞方技等傳皆廢丙辰翁且謂應有紀之勿復更然上下二百年間典章成憲大要畢具忠臣持以事君志士懷以籌務咸此依循免面墻矣嗚呼若斯之人而天奪之速豈獨孤之失所怙哉外今言徵吾諸錄各自為集不復附此

不肖鄭履淳謹識孫鄭心材重校

吾學編

序略

六 三百五十八

鄭端簡公吾學編引

先君非功名士也富貴云乎哉有嘉言善行而不得播聞人子之罪也况勤著作以經世務裨

聖化者而翁彌留又惓惓顧托言猶在耳忍不終其志廣其傳翁方見梓之半而孤忽罹大戚匍匐

闕

聖恩優渥褒恤殊章孤藉前休復蒙錄蔭榮哀既備功賞世延實賴

天上臯夔情見生死誼公衡鑒

吾學編

引

一

三百七十九

恩雖倖致望愜羣心感荷徒殷不知所以爲報也隆慶紀元五月甲戌抵舍仍侍几筵曠達條已更歲依依當時瞻戀而音容杳然一檢遺編惡緒紛雜嗚呼翁何如人也乃遽至此哉翁身可死而有不可朽者惟此書耳予兄謂翁之書未盡其學翁之用未盡其書肯深遠矣翁自丙辰每得一稿卽呼兄弟示之又必曰準校梓勿失也孤故獨藏所刻吾學編六十九卷徵吾錄二卷文集年譜未竟共板四千有奇布帛之文精神之聚衡門泌水之經綸固非特湘臣洛士之詞賦已也凡翁子孫承

宜世守翁嘗命既梓但刷千冊卽毀板或畀書肆予終身清介遺子孫安母以書勞後人嗟乎沒身猶計燕翼而爲翁子者僅此遺書弗能守耶

達尊親友諒此他日借板不能奉命幸勿我罪翁著述之富冠當時可梓豈獨止此予兄諸序詳之其今言百言及舉子諸書數十百卷已有傳者勿識也

不肖鄭履準謹書

吾學編篇目

大政記十卷

遜國記一卷

同姓諸王表二卷傳三卷

附異姓三王
孔氏世家

異姓諸侯表一卷傳二卷

直文淵閣諸臣表一卷

兩京典銓表一卷

名臣記三十卷

遜國臣記八卷

天文述一卷

吾學編

篇目

地理述二卷

三禮述二卷

百官述二卷

四夷考二卷

北虜考一卷

凡十有四篇爲卷六十有九

篇首序跋略

引目共二十三葉每篇有小序卷末有後序

重刻後語

孫心村重校

皇明大政記序

大政記者記政之大者也政必端大本審大
機建大法係此小事必書否雖大勿錄也恭
惟我

朝文謨武烈不顯不承

聖子神孫善繼善述巍巍二帝之治郁郁三代之
文倬彼典常允宜師守顧洪猷浩蕩玉籍淵
珍莫罄名言孰諳成憲予翁淹貫通達推絕
一時雖職非史官而光昭

先皇令德以垂多士儀刑與人爲善之心不敢
大政記

况切雲雷霖雨之志而徒老授閒今衰已甚
爰放編年陳茲大典庶使後之佐孝宣者有
所依繩而頌慶曆者咸此考據且知翁精誠
之運周旋

二祖

列宗左右也

嘉靖丙寅三月朔

賜進士第觀吏部政上鄭履淳拜手稽首謹識

皇明大政記第一卷

吾學編第一

海鹽鄭曉

戊申大明太祖高皇帝洪武元年春正月乙亥卽皇

帝位○追尊四世考妣爲皇帝皇后立妃馬氏爲

皇后世子標皇太子○戊寅居新宮○征南大將

軍湯和克延平執陳友定○宣國公李善長信國

公徐達爲左右丞相章濬劉基御史中丞○省府

請皇太子爲中書令不許令廷臣勲德老成者兼

東宮官○建南北郊太社稷○是月天下官來朝

○二月湯和提督海運○征南將軍廖永忠副

大政記

軍朱亮祖平福建進取廣東○以太牢祀先師孔

子于國學○定宗廟時享禮○禁胡服胡語胡姓

○定賦法役法○三月彗星見鼎○征虜大將軍

徐達取汴梁河南○夏四月將軍鄧愈取南陽諸

郡○永忠師至東莞元廣東守臣何真降○汪廣

洋陶安爲山東江西叅政○改太史院爲司天監

○五月庚寅帝至汴梁○徵天下賢才爲守令○

六月達朝行在今率諸將取元都○秋七月永忠

取廣西○賑恤中原○帝還京右副將雲馬勝守

汴梁○閏七月達會兵于臨清進克通州乙丑元

主走上都○八月詔以金陵汴梁爲南北京○庚午達入大都元亡○已卯大赦○帝幸北京○設六部官滕毅楊士義錢用壬陳寬周禎單安仁爲尚書○御史中丞劉基致仕○放元官人○九月江西叅政陶安卒○遣儒臣詹同等訪求賢哲○冬十月帝還南京○征南師還置京畿漕運司龔魯薛祥爲漕運使○十一月孔希學襲封衍聖公○遣儒臣魏觀等訪求賢材○十二月達克太原平陽

史記

卷之一

二

三

配洪武二年春正月免山東山西平河南南田租○詔諭四夷君長○倭寇山東並海郡縣○二月耕藉田○修元史宋濂爲翰林學士王禕待制○修治皇陵○達克河中進取陝西○三月達兵至鳳翔李思齊奔臨洮○夏四月思齊降○倭寇南畿並海郡縣○五月甲午朔日食○達出蕭關下涼涇延鄜張良臣以慶陽降尋叛○御史中丞兼太子贊善大夫章溢卒○六月常遇春克大寧開平○秋七月征虜副將軍平章軍國重事太子少保鄂國公常遇春卒李文忠領其兵進攻大同克之○八月達克慶陽斬良臣陝西悉平○元

史記

卷之一

三

一

史成○九月以臨濠爲中都○建功臣廟○冬十月郡縣立學○遣使貽書元主○十一月乙巳日南至祀圜丘奉仁祖配○十二月王保保襲蘭鞏守將于光死之○是年定內侍諸司官○設王相府○封陳日煒爲安南國王王顥高麗國王○庚洪武三年春正月征虜大將軍徐達左右副將軍李文忠馮勝左右副將軍鄧愈湯和分道率師討王保保○二月大同守將金朝興取東勝○追封郭子興滁陽王○文忠取興和○三月免畿山東河南北平浙東田租○達兵至定西保保退屯車道峴○夏四月封建諸王○王保保逆戰我兵敗績○復戰於定西保保敗走和林○元君妥懽睦爾殂于應昌其子愛猷識理達臘嗣立○五月開科取士○文忠克應昌獲買的里八剌愛猷識理達臘北走○達取漢河降興元○大旱上雩大雨○蜀寇興元都督孫興祖戰歿○六月倭寇登萊轉掠浙閩並海諸郡萊州府同知趙秩使日本○定太學生資格○秋七月陶凱爲禮部尚書○劉基爲弘文館學士○楊憲汪廣洋爲中書左右承尋殺憲○八月募民輸粟中鹽○監察御

史張敬之使諭渤泥國○九月改司天監爲欽天監○冬十月征南將軍周德興討慈利蠻○貽書元嗣君愛猷識理達臘○十一月文忠班師還京○謚故元君爲順帝封買的里八剌爲崇禮侯○大封開國功臣進封善長達韓魏國公領太師太傅封李文忠曹國公鄧愈衛國公馮勝宋國公湯和中山侯汪廣洋忠勤伯劉基誠意伯餘封贈官賞有差○十二月大明志成○立鹽法

辛亥洪武四年春正月太師韓國公左丞相李善長致仕汪廣洋爲左丞相胡惟庸右丞○誠意伯劉

基致仕

卷之一

四

基致仕○征西將軍中山侯湯和左右副將軍江夏侯周德興德慶侯廖永忠征虜前將軍顏川侯傅友德左副將軍濟寧侯顧時帥師分道伐蜀○免田租○二月帝如中都尋還京○三月賜吳伯宗等進士及第出身有差○改築園丘方澤○閏三月和次夔州○廢靖江王守謙爲庶人○夏四月友德克階州○和次歸州友德克文州○徵山林隱士○五月免浙江江西田租○六月友德拔漢州永忠克夔州進至重慶明昇降○虜納哈出侵遼東○倭寇膠州○秋七月馬雲葉旺爲定遼

指揮使鎮守遼東○友德克成都川蜀悉平○詹同爲吏部尚書兼翰林院學士承旨○令奏災異○八月封明昇歸義侯○九月庚戌朔日食○禁征海外諸夷○冬十月征西諸將班師還京○十一月○十二月開茶市○是年從歸德侯陳理歸義侯明昇於高麗○日本良德遣人入貢

壬子洪武五年春正月翰林待制王禕詔諭雲南○征南將軍衛國公愈副將軍江夏侯德興江陰侯

良帥師討廣西蠻平之○征虜大將軍魏國公逌

征西將軍宋國公勝征虜前將軍曹國公文忠

失政記

卷之一

五

三百六十四

師分道伐虜勝取甘肅文忠禱應昌宣寧侯曹良臣戰歿○二月都督藍玉擊敗虜於野馬川○三月玉兵擊敗王保保於土刺河○夏四月鄧愈兵至澧平散毛諸蠻○五月達兵逾嶺遇虜戰敗績○倭寇浙東西並海郡縣○六月賑山東饑民○勝兵敗虜於瓜沙文忠兵敗虜於阿魯渾河○免水旱蝗郡縣田租○秋七月湯和兵至斷頭山遇虜戰敗績○定宦官禁令○八月倭寇福建○遣儒臣詹同等訪求賢哲○華寧夏府○九月德興平鳳泗諸蠻○安南陳叔明弑其主日燈而自立

○冬十月北征諸將班師還京○十一月征南諸將班師還京○虜納哈出寇遼東○十二月宋濂爲太子贊善大夫○令省府臺置銅鑑簿錄時政○縱內府禽獸○遣使貽書元嗣君○是年定掖庭局司女官

洪武六年春正月謫汪廣洋爲廣東叅政○二月罷科舉舉賢良○令有司上山川險易圖○三月征虜大將軍達左右副將軍文忠勝左右副副將軍愈和統兵分道備虜○都督於顯總兵出三防倭○夏四月贈謚開國功臣○詔求賢才○五

大政記

卷之一

六

三

月虜寇武朔達遣兵擊走之○六月免河北旱蝗田租○秋七月劉惟謙爲刑部尚書○胡惟庸爲右丞相陳寧御史大夫詹同兼翰林學士承旨宋濂兼翰林侍讀學士○達遣列侯諸將分統步騎兵擒討殘胡○倭寇登萊○八月詔祀三皇○建歷代帝王廟○九月設六科給事中○冬十月大明律成○封西番朵耳馬思藏諸酋爲王師官長○十一月遂兵破虜於大同○閏十一月定糾劾內官法○十二月浚開封漕河○雲南人殺我詔諭使王禕

甲洪武七年春正月文忠敗虜於白登○二月丁酉朔日食○丁未祀先師○三月詹同解部事呂

熙爲吏部尚書○轉漕粟于陝西○夏四月都督藍玉敗虜於興和○五月大雩○六月倭寇膠海○秋七月文忠破虜於大石崖○八月文忠敗虜於豐州○靖海侯吳禎總兵出海捕倭○九月遣崇禮侯買的里八剌北還○復設市舶司○冬十月巳未皇長孫雄英生○徙江南民實中都○十一月封卜煙帖木兒爲安定王○十二月鑿石

大政記

卷之一

七

四

卯洪武八年春正月梁敏爲工部侍郎○二月○三月詔興學勸農○立鈔法錢法○夏四月幸中都尋還京○致仕贊善大夫護軍誠意伯劉基卒○五月市馬西番○六月○秋七月巳未朔日食○免江南湖北旱租○八月京師大旱○開登萊河○九月湖廣叅政吳雲使雲南○虜寇大同罵門○詔舉富民素行端潔達時務者○冬十月皇太子及秦晉楚靖江王講武中都○十一月增六部官○十二月陝州人獻天書斬之○虜納哈出寇遼東守將馬雲葉旺擊敗之以爲都督僉事仍